



Bosnia and Herzegovina  
Federation of Bosnia and Herzegovina  
**CANTON SARAJEVO**  
Cantonal Civil Protection Administration

Broj: 06-11-782-8.1/24  
Sarajevo, 14.10.2024. godine

Na osnovu čl. 69. stav (2) tačka d) i 70. st. (1), (4) i (6) Zakona o javnim nabavkama ("Službeni glasnik Bosne i Hercegovine", br. 39/14, 59/22 i 50/24), člana 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH" broj: 103/14), na Preporuku Komisije za nabavku, broj: 06-11-782-5.1/24 od 09.10.2024. godine, u postupku javne nabavke roba: "Interventna i sigurnosna oprema" za LOT 1 – Radne vatrogasne uniforme, direktor Kantonalne uprave civilne zaštite Kantona Sarajevo *donosi*

**ODLUKU**  
**o poništenju postupka javne nabavke**

**Član 1.**

Poništava se postupak javne nabavke roba: "Interventna i sigurnosna oprema" za LOT 1 – Radne vatrogasne uniforme, u skladu sa članom 69. stav 2. tačka d) Zakona o javnim nabavkama ("Službeni glasnik BiH" br. 39/14, 59/22 i 50/24), obzirom da nijedna od zaprimljenih ponuda nije prihvatljiva.

**Član 2.**

Za realizaciju ove odluke zadužuje se i ovlašćuje Komisija za javnu nabavku roba: "Interventna i sigurnosna oprema" i Sektor za materijalno-finansijske poslove Kantonalne uprave civilne zaštite Kantona Sarajevo.

**Član 3.**

Ova odluka će se objaviti, u skladu sa članom 70. stav (6) Zakona o javnim nabavkama, na web stranici Kantonalne uprave civilne zaštite Kantona Sarajevo ([www.kucz.ks.gov.ba](http://www.kucz.ks.gov.ba)) i istovremeno će se uputiti ponuđaču koji je učestvovao u ovom postupku javne nabavke.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke, broj: 06-11-782/24 od 05.08.2024. godine.

Predmetni postupak nabavke je proveden putem otvorenog postupka javne nabavke.

Procijenjena vrijednost javne nabavke roba: "Interventna i sigurnosna oprema" za LOT 1 – Radne vatrogasne uniforme je procijenjena do 132.960,00 KM (bez uključenog PDV-a).

Komisija za nabavku je imenovana Odlukom, broj: 06-11-782-1/24 od 07.08.2024. godine.

Obavještenje o nabavci, broj: 282-1-1-93-3-57/24, objavljeno je dana 23.08.2024. godine na Portalu javnih nabavki, kao i tenderska dokumentacija.

U roku utvrđenom za prijem ponuda zaprimljena je jedna ponuda za LOT 1 – Radne vatrogasne uniforme, a nije bilo ponuda zaprimljenih nakon isteka roka za prijem ponuda.

Na sjednici Komisije za nabavku održanoj dana, 09.10.2024. godine, Komisija je izvršila pregled i ocjenu dostavljene ponude ponuđača IMSA d.o.o., gdje je utvrdila da je dostavljena ponuda nije prihvatljiva, odnosno da nije u skladu sa tenderskom dokumentacijom, o čemu je sačinjen Zapisnik o pregledu i ocjeni ponuda, broj: 06-11-782-4.1/24 od 09.10.2024. godine.

Naime, Komisija je utvrdila da je ponuda IMSA d.o.o. neprihvatljiva, obzirom da ponuđač nije ispunio zahtjev tražen tačkom 3.3. Tehnička i profesionalna sposobnost – čl. 49. ZJN podtačka a) u kojoj je zahtjevano da se potvrde o uspješno realizovanim ugovorima odnose na isporuku radne vatrogasne uniforme, policijske uniforme, uniforme za sudsku policiju i uniformi za pripadnike civilne zaštite, ukupne vrijednosti izvršenog/ih ugovora u visini najmanje 132.960,00 KM bez PDV-a.

Naime, Komisija je pregledom dostavljenih potvrda utvrdila da je ponuđač dostavio ukupno osam potvrda od kojih se tri odnose na isporuku radne vatrogasne uniforme, policijske uniforme, uniforme za sudsku policiju i uniformi za pripadnike civilne zaštite ukupne vrijednosti 71.055,00 bez PDV-a čime ponuđač IMSA d.o.o. nije zadovoljio traženi zahtjev, odnosno njegova ponuda nije u skladu sa tenderskom dokumentacijom.

S tim u vezi, Komisija za nabavku dostavila je direktoru Kantonalne uprave civilne zaštite dana 10.10.2024. godine Zapisnik o pregledu i ocjeni ponuda, broj: 06-11-782-4.1/24 od 09.10.2024. godine, Preporuku o poništenju postupka, broj: 06-11-782-5.1/24 od 09.10.2024. godine i Izvještaj o provedenom postupku javne nabavke, broj: 06-11-782-6.1/24 od 09.10.2024. godine.

Na osnovu dostavljenog Izvještaja o provedenom postupku javne nabavke roba: "Interventna i sigurnosna oprema" za LOT 1 – Radne vatrogasne uniforme, utvrđeno je da u predmetnom postupku javne nabavke roba dostavljena ponuda ponuđača IMSA d.o.o. neprihvatljiva, čime su se stekli uslovi za poništenje postupka javne nabavke.


Direktor Kantonalne uprave civilne zaštite Kantona Sarajevo nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija za nabavku u svemu pravilno postupila, te da je Preporuka o poništenju postupka javne nabavke data u skladu sa odredbama Zakona o javnim nabavkama, podzakonskim i općim aktima.

Shodno navedenom, primjenom člana 69. stav (2) tačka d), člana 70. stav (1), (4) i (6) Zakona o javnim nabavkama, te člana 8. stav (2) tačka d) Pravilnika o uspostavljanju i radu Komisije za nabavke, odlučeno je kao u dispozitivu ove odluke.

**Pouka o pravnom lijeku:**

Protiv ove odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa, kao prvostepenog organa i to na način propisan odredbama člana 99. Zakona o javnim nabavkama. Ugovorni organ će postupati po žalbi na način propisan odredbama člana 100. Zakona o javnim nabavkama.



**Dostaviti:**

1. Sektoru za materijalno-finansijske poslove KUCZ KS,
2. IMZA d.o.o.,
3. [www.kucz.ks.gov.ba](http://www.kucz.ks.gov.ba),
4. a/a.

